

Egberto Werleman di ADN ta denuncia ironia di bida:

Pais mas rico den Caribe no tin placa pa cumpra fliet y gasolin, poniendo salud di Pueblo na peligro!!

ORANJESTAD (AAN): Na hulandes tin un dicho cu ta bisa: Al is de leugen zo snel, de waarheid achterhaalt, haar wel! Na fin di aña y comienzo di aña constantemente nos a scucha y lesa cu nos Ministro di Fiñanzas, Sr.

Tico Croes ta bisa un biaha mas cu fiñanzas di gobierno ta bao di control y no tin motibo pa panico, pasobra gobierno tin placa suficiente.

Ora mi a lesa corantnan awe mainta mi a ripara un biaha mas cu e ministro aki ta

malinforma nos pueblo. Pasobra si fiñanzas ta bao control con por ta posibel cu gobierno no tin placa pa cumpra gasolin y fliet pa Gele Koorts en Muskieten Bestrijding.

Esta un berguenza di marca

mayor: no tin ni placa pa cumpra gasolin y fliet, anto den campaña bo a bisa pueblo cu Aruba ta e pais mas rico den Caribe. Ta pesey nos pueblo ta fada y no tin credibilidad mas den nos politiconan, pasobra nan no ta papia bedrad cu pueblo.

Mi kier a sigui elabora riba e concecuencia cu si GKMB no cuminsa traha di inmediato pa detene un posibel epidemia di dengue. Nos tur sa cu awa a yobe hopi delaster tempo. Ora cu awa yobe muska y sangura ta broei pa loco, nos tur por sintie na nos cas. Tin un plaga di sangura y muska tur caminda.

E peliger ta consisti cu si por ehempel un sangura di dengue yega Aruba for di exterior of cu un persona cu tin dengue drenta Aruba. Un gran cantidad di por persona por worde infecta of e por bira un epidemia. Pasobra ta facil pa bo haña dengue. Ta solamente un sangura mester bin pika e hende cu tin dengue, e sangura ey tambe a haña den-

gue. Ora cu e sangura ey bay pica un otro hende, e persona ey ta haña dengue. E ora un otro sangura bin pika, e sangura ta haña dengue y asina e wegata sigui bay. Den un corto tempo dengue por plama na Aruba, si bo tuma medidanan na ora.

Mi ta kere cu di inmediato gobierno mester tuma medidanan pa e servicio di GKMB cuminsa funciona den full swing, door di pone placa di inmediato pa cumpra gasolin, drecha tur e cinco autonan y cumpra fliet mas pronto posibel pa asina evita un epidemia na Aruba.

Pasobra preveni ta mihor cu lamenta. E gastonan medico cu nos lo tin si nos haña un epidemia lo ta den miyones, sin conta cu perdanan cu lo tin pa falta di productividad. Cu gobierno a laga e situacion aki bay for di man ta otro prueba mas cu e gobierno aki tin un falta di vision y capacidad pa goberna y mi ta spera cu nan remedia nan fout promer cu ta laat!!

Ministro Posner a pega barco cu asunto di Seguro di Auto

ORANJESTAD(AAN) For di bon fuente DIARIO a haya informacion cu ministro Ike Posner a pega un barco mahos cu e asunto di seguro di auto cu actualmente ta un problema grandi na Aruba.

Pueblo den su totalidad no kier tende mes di aumento di seguro di auto pasobra ya caba seguro di auto ta hopi caro na Aruba.

E problema encuanto seguro di auto no tabata un problema cu mester a worde solucionado bao di cartera di ministro Beke, pasobra den e prome gabinete AVP/OLA, ministro Beke no tabata encarga cu Asuntonan Economico, pero entre otro cu Salubridad Publico cu awor ta cay bao di ministro Ike Posner.

Manera cu DIARIO a trece esaki na varios ocasion padilanti, cu tur ministro di e partener di coalicion a yega di mete den cartera di ministro Beke y specialmente riba tereno di deporte y awor ta riba tereno di Asuntonan Economico nan tur ta kere di por bay mete la pata.

Segun informacionnan cu DIARIO a logra di haya ayera, Ministro Ike Posner cu no tin nada di haber cu Asuntonan Economico a bay mete su mes den e cartera aki cu ta cay bao di ministro Beke.

Den Salubridad Publico mes, Ike Posner no por resolve su problemanan grandi cu e tin cu diferente departamento y e asunto di AZV tambe ta bay bira un problema grandi mientras cu no tin claridad di kico y ken ta bay paga cua prima y hopi otro asunto mas y awor Ike

Posner ta bay mete tambe riba tereno di seguro di auto.

Ta for di ki tempo Ike Posner ta experto riba tereno di seguro y specialmente riba tereno di seguro di auto.

Ayera aparentemente e asunto aki lo mester a worde trata den conseho di ministro caminda cu ministro Ike Posner lo mester a bay duna cuenta di su metemento, pero con e reunion aki a bay no tabata conoci te cu ayera anochi.

Un cos ta sigur y esey ta cu otro ministronan y specialmente ministro Beke lo a hala atencion di Ike Posner cu ta mete la pata atrobe den asuntonan cu e no tin ni e minimo nocion di nan.

Durante di siman venidero gobierno mester bay duna cuenta riba e asunto aki den nan famoso conferencia di prensa cu ta worde teni tur siman.

CRATERS DI CALIDAD!!

